

Tus Mob Puab Tsaig Txhav-Tetanus (Lockjaw)

Disease Fact Sheet Series

Tus mob puab tsaig txhav no zoo li cas?

Yog ib tug kab mob Bacteria ua kom muaj tus mob puab tsaig txhav. Tus kab mob no yuav tso ib cov taug nkag mus rau hauv lub cev ces yuav nce mus lom cov paj hlwb.

Cov kab mob no muaj nyob qhov twg?

Feem ntau yog muaj rau ntawm tej av, tej quav nyuj thiab tej pluav plav.

Tib neeg raug tus kab mob no li cas?

Tus kab mob yuav nkag ntawm tej qhov txhab, tej tawv nqaij ntuag, tej tawv nqaij kuv nyhiab, los yog, tej qhov nqaij uas raug tsiaj tom. Tej qhov txhab uas raug tej tus ntsia thawv xeb xeb nkaug mas kuj yuav ua mob tau. Tab sis kom paub meej tias tsis yog cov xeb ua kom muaj tus mob no, tab sis yog tus kab mob nyob ntawm tus ntsia thawv yog ua kom muaj mob.

Muaj neeg raug tus mob no coob npaum li cas?

Nyob rau hauv lub xeev Wisconsin, mas ib xyoos twg kuj muaj txog li ntawm ib los ob tug neeg tau raug tus kab mob no.

Tus mob no puas kis rau ntawm ib leeg mus rau lwm leej?

Kis tsis tau. Tib neeg raug tus kab mob no ntawm tej cheeb tsam ib ncig uas neeg nyob, tsis yog kis ntawm neeg los.

Leej twg thiaj raug tus mob no?

Tus kab mob no kuj raug tau txhua tus neeg uas tsis tau txhaj tshuaj los mus tiv thaiv lawv, tsis hais nws yuav muaj hnuv nyoog li cas.

Thaum twg cov tsos mob mam tshwm sim?

Thaum kis tau tus kab mob lawm mas yuav yog li 3-21 hnuv (feem ntau kuj yog ntev li 8 hnuv) tom qab kis tas mas yuav pom cov tsos mob tshwm.

Cov tsos mob zoo li cas?

Cov tsos mob mas kuj muaj li: mob tob hau, kuv cev, meem txom, thiab cov leeg nqaij puab tsaig chua. Tsis ntev ces yuav chua leeg caj dab, chua leeg caj npab, leeg ceg, thiab tej leeg tuav plab. Yuav chua leeg li no tuab nto thiab ntev ntau feeb.

Yuav ua li cas thiaj paub hais tias yog tus mob puab tsaig txhav no?

Yuav soj ntsuam cov tsos mob xwb ces paub lawm, yuav tsis muaj ib yam txuj kuaj los mus kuaj txog tus mob no.

Puas muaj lwm yam mob uas tus mob no yuav chiv ua mob tuaj?

Tus mob puab tsaig txhav no mas ua rau mob heev, ces kuj ua tau kom ua pa nyuaj thiab yuav chua leeg heev ces kuj yuav ua tau rau tej pob txha los thiab. Muaj txog li 3 leeg ntawm 10 leej neeg uas yog tau raug tus mob no mas kuj yuav tuag taus.

Puas muaj kev yuav kho tau tus mob no?

Yog thaum ho raug tus mob no tiag lawm no los kuj siv tau cov tshuaj hu ua tetanus immune globulin (TIG), siv tshuaj tua kab mob, tu tej qhov nqaij to, siv tshuaj tsaug zog, thiab txhaj tshuaj tiv thaiv hu ua Td thiab lwm yam kev kho los kho.

Puas muaj kev tiv thaiv tus mob no?

Muaj kawg. Txhaj koob tshuaj tiv thaiv tus kab mob puab tsaig txhav-Tetanus, (uas yog muab tim nrog cov tshuaj tiv thaiv mob qa foob-diphtheria thiab hnoos hawb-acellular pertussis, los yog, hu ua DTaP), koob tshuaj no mas pom zoo kom txhaj rau txhua tus me nyuam mos liab thiab me nyuam yaus. Caij nyoog txhaj cov tshuaj kuj yuav txhaj thaum tus me nyuam muaj hnuv nyoog: 2 hlis, 4 hlis, 6 hli, 15-18 hli thiab 4-6 xyoo. Tom qab ntawd lawm no ces yuav tau txhaj koob tshuaj hu ua tetanus diphtheria (hu ua Td) no 10 lub xyoo twg ib zaug lawm xwb.